

Զեկույց

Մասիս քաղաքային համայնքի 2020 թ. բյուջեի վարչական և ֆոնդային մասերում փոփոխություններ կատարելու մասին

2020թ. Բյուջեի վարչական մասում անհրաժեշտ է Մասիսի ՔԿԱԳ-ի պահպանման համար պետության կողմից պատվիրակված լիազորությունների իրականացման համար նախատեսված եկամուտներն ավելացնել 77 500 դրամով:

Համայնքում անասնաբուժական ծառայություն իրականացնելու նպատակով քաղաքապետարանի վարչական ապարատով նախատեսվել է անասնաբույժի հաստիք և սահմանվել դրույքաչափ: Հաշվի առնելով, որ անասնաբույժի գործունեությունը վերաբերում է գյուղատնտեսության ոլորտին և հիմք ընդունելով Արարատի մարզապետարանից ստացված 04.03.2020թ. 01/02292-2020 ցուցումը անասնաբույժի աշխատավարձի համար նախատեսված միջոցներից 867.0 հազար դրամ անհրաժեշտ է տեղափոխել գյուղատնտեսության ոլորտ, անասնաբույժի հետ կնքել անասնաբուժական ծառայության ձեռք բերման պայմանագիր՝ սահմանելով ամսեկան դրույքաչափ նվազագույն աշխատավարձի չափով և մատուցված ծառայություններից ստացված տեղական վճարներից հավելավճար՝ 10 տոկոսի չափով:

Կորոնովիրուսային հիվանդությունը համայնքում կանխելու կանխարգելիչ հակահամաճարակային միջոցառումներ իրականացնելու նպատակով հատուկ նպատակային այլ նյութեր ձեռք բերելու համար անհրաժեշտ է բյուջեից հատկացնել 800.0 հազար դրամ, Մասիսի մշակույթի տան կիսակառույցի շուկայական արժեքի վերագնահատման համար անհրաժեշտ է 150.0 հազար դրամ, քաղաքապետարանի համար ձեռք բերվող ծառայողական ավտոմեքենայի շահագործման նպատակով բենզին ձեռք բերելու համար անհրաժեշտ է 450.0 հազար դրամ: Վերոնշյալ ծախսերն իրականացնելու համար առաջարկվում է նվազեցնել լրատվական ծառայությունների համար նախատեսված միջոցներից 450.0 հազար դրամ, ապարատի գրասենյակային նյութերի ձեռք բերման համար նախատեսված միջոցներից 872.5 հազար դրամ:

2020 թվականի բյուջեի ֆոնդային մասում եկամուտներն անհրաժեշտ է ավելացնել կապիտալ սուբվենցիաների մասով՝ 24 972 035 դրամով, հաշվի առնելով այն հանգամանքը, որ 2019 թվականին սուբվենցիոն ծրագրերով իրականացված աշխատանքների 5 տոկոսի չափով՝ թիվ 2 մանկապարտեզ ՀՈԱԿ-Ի հիմնանորոգմանը՝ 942.9 հազար դրամ, 5-10-րդ փողոցների լուսավորությանը՝ 958.04 հազար դրամ վճարվող գումարը, իսկ 5, 6, 7-րդ թաղամասերի գազաֆիկացման աշխատանքների որոշակի մասը՝ 23071.1 հազար դրամի չափով համաձայն կապիտալ սուբվենցիաների մասին համաձայնագրերի տեղափոխվել է 2020թվական:

Համայնքի 2020 թվականի բյուջեի պլանավորման ժամանակ արդեն իսկ բյուջեում նախատեսվել է նշված ոլորտներում շին աշխատանքների արժեքները, բացառությամբ գազաֆիկացման աշխատանքների տեխնիկական և հեղինակային հսկողության համար նախատեսված միջոցների՝ 1640 320 դրամի չափով:

Առաջարկվում է բյուջեի ֆոնդային մասի ծախսերը ավելացնել՝ 1640 320 դրամ ուղղել գազաֆիկացման շիանարարական աշխատանքների տեխնիկական և հեղինակային հսկողությանը, իսկ մնացած 23 331 715 դրամը ուղղել ընդհանուր բնույթի հանրային ծառայությունների վարչական սարքավորումների ձեռք բերմանը:

Աշխատակազմի քարտուրս

Ֆինանսական բաժնի պետ



Վ. Գաբրիելյան

Ն. Սահակյան